

SCRIPT OF MORNING GOJRI NEWS BULLETIN 18APRIL 2025

1015HRS

مارننگ گو جری نیوز بلیٹن مورخہ 18 اپریل 2025

یوہ آکا شوانی جموں ہے محمد اکرم تیں خبر سُنو۔

MEA INDO PAK

بھارت نے پاکستان غا آرمی طیف جنرل آسم منیر غا کشمیر تیں متعلق بیان نانہ سختی تیں مسترد کرتا واں کہیو کہ پاکستان تیں کشمیر غو واحد تعلق یوہ کہ وہ غیر واحد تعلق یوہ ہے کہ وہ غیر قانونی طور ور قابض علاقان نانہ خالی کریں وزارت خارجہ غا ترجمان رندھر جیسوال نے کہیو کہ جموں کشمیر بھارت غو مرکزی زیر انتظام علاقو ہے تے اس ور کوئی سمجھوتہ نی وے غویوہ بیان اُس وقت سامنے آيو جس پاکستانی آرمی چیف نے کشمیر نانہ پاکستان غی شہ رگ قرار دتو تے علیحدگی پسند تحریک غی حمایت جاری رکھن غی گل کہی ترجمان نے مزید کہی وکہ ۱۱،۶۲ حملہ غا ملزم تہور رانان غی حوالگی غا معاملہ ور پاکستان جتنی وی کوشش کرے اس غی دہشت گردی غا مرکز غی حیثیت دنیا گی نظر مانہ بدل نی سکتی۔

CRPF JK

سی آر پی ایف نے جموں کشمیر مانہ دہشت گردی غے خلاف کاروائیاں واسطے ایک خاص کمانڈو بٹالین کوبرہ بنان غو فیصلو کیو ہے یوہ فیصلو ۷۱ سال بعد کیو گیو ہے جس اس یونٹ نانہ نکسلی علاقان مانہ جنگلاتی جنگ واسطے تیار کیو گیو تہو آکاشوانی جموں گا نامہ نگار غے مطابق سی آر پی ایف غا ڈائریکٹر جنرل گیانیندر پرتاپ سنگھ نے یوہ اعلان گزشتہ روز فورس غا ۶۸ ووں یوم تاسیسی غا موقع ور مدھیہ پردیش غا ضلع نیمچ مانہ کیو۔ ڈی جی نے دسیو کہ مرکزی وزیر داخلہ امت شاہ غی ہدایت ور جموں کشمیر واسطے نوا کوبرہ بٹالین نانہ تیار کیو جارہو ہے یاہ کوبرہ یونٹ جموں کشمیر گا جنگلاتی علاقان مانہ کاروائی کرے غی خاص طور ور جموں سوبہ مانہ جت حالیہ دنان مانہ کئی دہشت گردانہ واقعہ پیش آیا ہیں یاہ جے کے یونٹ غی ۱۱ ویں کوبرہ بٹالینوے غی قابل ذکر گل ہے کہ کوبرہ بٹالین نے ملک غی مختلف ریاستان مانہ نکسلازم نانہ روکن مانہ اہم کردار ادا کیو ہے۔

POLICE TRANSFERS

جموں کشمیر حکومت غی محکمہ داخلہ نے لیفٹیننٹ گورنر غی انتظامیہ غے تحت پولیس افسران غا تبادلہ تے تقرریوں گو ایک برو فیصلو کیو ہے جس مانہ ۷۱ آئی پی ایس تے ۶۹ جے کے پی ایس افسران گا تبادلہ شامل ہیں حکم نامہ غے مطابق سارہ رجوری نانہ ڈی آئی جی ادھمپور ریسی رینج مقرر کیو گیو ہے راجا آدل ہمید گنی نانہ ایس ایس پی ٹریفک قومی شاہراہ غو بنایو گیو ہے۔ کیسر ملک نانہ ایس پی ٹریفک جموں سیٹی مقرر کیو گیو ہے۔ نریس سنگھ نانہ ایس ایس پی کشتواڑ بنایو گیو ہے۔ پردیپ سنگھ نانہ اضافی ایس پی کشتواڑ مقرر کیو گیو ہے۔

POWER RESTORATION

جموں پاور ترقیات کارپوریشن لمٹیڈ نے بدھ واریں رات تیز کھوڑہ چھکڑ گی وجہ سنگ بڑی طرح متاثر ہوئی بجلی گی دستیابی نال جموں خطہ مانہ ۵۹ فی صد بھال کردتو ہے سرکاری بیان غے مطابق جے پی ڈی سی ایل نے تمام متاثرہ علاقہ جن مانہ ۲ سو ۰۲ کلو واٹ سلال سرکٹ ۲ سو ۰۲ کلو واٹ جٹوال ترسیل لائن فیڈینک بجلی گھر گلاندی تے ۲ سو ۰۲ کلو واٹ کشن پور بجلی گھر برن دوجا ضروری علاقہ مانہ بجلی گی بھالی گا کم واسطے کارگن تے مشیناں گا استعمال نال بجلی بحال کرن گو کم شروع کردتو ہے مزید دسیو گیو ہے جے جموں سوبہ مانہ بجلی گو لوڈ گزشتہ روز دوپہر ۱ بجے توڑی ۱ سو ۰۹ میگا واٹ ریبو تے جدکہ شام ۷ بجے توڑی ۱ ہزار میگا واٹ ریکارڈ کیو گیو۔

ADMISSION

محکمہ سکولی تعلیم نے سرمائی زوناں گے بغیر جموں سوبہ گا تمام تعلیمی اداراں مانہ تدری سال ۲ ہزار ۵۲،۶۲ واسطے پہلی کلاس مانہ داخلہ گی عمر مانہ ایک بار راحت دینگو اعلان کیو ہے اس راحت نال ۰۳ ستمبر ۲ ہزار ۵۲ توڑی پیدا ہوا بچہ آئندہ سیشن مانہ پہلی جماعت مانہ داخلو لیں سکیں گا۔

HERITAGE DAY

اج پوری دنیا مانہ عالمی وراثتی تہاڑو مناو جارہو ہے۔ اس نانہ یاد گاراں تے ماضی گی ثقافتاں گی باقیات آلی جگہاں گا بینا لاقوامی تہاڑہ نال وی جانیو ہے اس سال گو موضوع ہے ہیرٹیج اندر تھریٹ فرام ڈیزاسٹر اینڈ کنفلکٹ یعنی تباہی تے تنازعات کا خطرہ گے زیر اثر ور ثو ہے اس تہاڑہ ور بھارت کا اثار قدیمہ شروع اے ایس آئی نے ملک گے اندر تمام اے ایس آئی تحفظ مانہ یاد گاراں گیاندر مفت داخلہ گو اعلان کیو ہے اس پہل نال اے ایس آئی گو مقصد ہے جے لوک زیادہ توں زیادہ دورو لدگے ملک گی امید وراثت بارے جان پاویں۔

MET

جموں کشمیر مانہ ۰۰۱ کلو میٹر فی گھنٹہ گا ارفتار سنگ چلی تیز ہوا بارش ناس تے جموں خطہ مانہ پچھلی شام ممول گا کم کاج مانہ رُکاوٹ پائی ہے مہارا آکشوانی جموں گا نمائندہ غے مطابق کھکڑگی وجہ توں کئی بوٹاں بجلی گا کھنبہ تے ٹاور جٹر پرت ہویا ہیں جس گی وجہ توں جموں دوپڑن گا تمام ۰۱ ضلعان اندر بجلی غی سہولت تے جموں شہر تے دیگر شاہراں ور گڈیاں گی او جائی متاثر ہوئی ہے جموں شہر گا گجھ حصاں مانہ بوٹا تے بجلی گا کھمبہ ٹین گی وجہ توں گجھ سڑک بند ہوگئی ہیں۔ جدکہ سول سیکرٹریٹ جموں مانہ اک کنڈر ڈھین گی وجہ توں گجھ گڈیاں نانہ نقصان پُجیو ہے تے اس دوران کسی جانی نقصان یا زخمی ہون گی کوئی وی جانکاری نہیں لبی ہے تیز رفتار چکھڑگیو جی توں جموں اکھنور آریس پورہ تلاب تلو تے جموں نگروٹہ سڑک ور گڈیاں گی او جائی وی ہوئی جدکہ جموں سانہ کٹھوعہ تے جموں کترہ ریاسی سڑک ور لمبو ٹریفک جان بارے جانکاری لبی ہے محکمہ موسمایت غے مطابق ۸۱ اپریل توں اچا علاقہ ور برف باری تے ۸۱، ۹۱ اپریل گے دوران گجھ علاقہ مانہ بجلی کڑکن گے نال درمیانہ توں خاصہ درجہ گی بارش ہوسکے۔

GOOD FRIDAY

ملک گا دوجا حساں گی طرہ جموں مانہ وی اج گڈ فرائڈے منایو جارہیو ہے واضع رہ جے
کرسچن کلینڈر مانہ گڈ فرائڈے مزہبی طور ایک بڑ و متحرک دن منیو جے تے اس نانہ
پوری دنیا مانہ برا جوش و خروش نال منایو جے۔
